

大方等大集經卷第十六

國一

北涼天竺三藏曇無讖於姑威譯

虛空藏菩薩品之五

何辨

說此偈已時魔波旬嚴四種兵來詣佛所到已化作長者形前禮佛足在一面立而白佛言希有世尊此諸大士乃能成就如是不可

思議種種神變又能示現不可思議莊嚴之事世尊於未來世有幾所衆生聞此不可思議神變而得開悟決定不疑者也佛告魔波旬言於未來世中少有衆生若一若二聞此不可思議神變經典得信解者少耳波旬喻如一毛析為百分以一分毛於大海中取一

滴水於汝意云何取者多耶在者多耶波旬言世尊取者甚少在者甚多佛復告波旬言如海中所取水甚少衆生聞是不可思議神變經能信解者少亦如是如大海中水在者甚多不信解不可思議神變經典者多亦如是佛復告波旬若有一人於恒河沙等劫日

回以滿三千大千世界滿中珍寶持用布施不如善男子善女人聞是不可思議神變經典能信解者其福甚多所以者何波旬若有信解是經典者則知其入親從釋迦牟尼如來聞此經典信解無疑何以故波旬若未種善根衆生聞此世所難信經典能信解者無

有是處波旬我般涅槃後法欲滅時多有憍慢衆生彼諸衆生著我所說文字不知方便故各各生於諍競捨思惟法捨已正行為利養名譽衣服飲食自纏縛故樂論世俗種種諸事及世典文辭而不論第一實義不樂翫習佛無上道及向他人譏論如是等真實深妙經典則為誹謗諸佛積集無量大苦惱聚魔神諸天佐助彼人為利養恭敬及名聞故重增放逸傲慢彼諸人等以傲慢故若見有持戒賢行比丘受持讀誦此經典者而輕慢憎嫉橫生謗毀彼諸愚人則為現世破犯禁戒其中或有畏不活者或慚耻於人者假被

袈裟或有捨戒還附俗者如是等人身壞命終墮阿鼻地獄受諸苦報佛復告波旬於未來世中若有求菩薩乘衆生者諸因緣善根微淺新發道意但着文字不能了義於如是等甚深經典受持讀誦爲人說時則爲他人所見輕賤陵慢以爲他所輕賤陵慢故便捨

目 集十六

二

如是等甚深經典讀誦聲聞辟支佛相應經爲利養名譽種種所須之所纏縛故反誹謗毀訾如是真實甚深經典又復輕賤受持讀誦此經典者乃至不欲以眼觀之常樂單行退失菩薩大乘之法所謂退失淳至心及深心魔神諸天得如是等人便故勤作方便壞亂其心乃至使令不聞如是等經設當聞者生大誹謗無有信心此人亦復積集無量罪聚成就破法重業永離三寶不得見佛聞法及供養僧所以者何波旬以於如來所說法律中生疑猶豫故尔時魔波旬自見有過憂愁惶恐前禮佛足在一面立時虛空藏菩薩

問波旬言汝何以憂愁憔悴戰慄息狀如失志人在一面立耶魔波旬答言善男子我從如來聞說如是等可畏之事是故以爲憂愁恐怖當墮何趣誰當救我我於如來所說法律之中數作無量諸留難事是故憂耳虛空藏言波旬佛法之中有出罪法汝可來至

世尊所起誠心懺悔所作諸惡更莫復作若能如是可獲善利爲不空過尔時天魔波旬即前五體投地禮世尊足下仰視如來流淚涕泣而白佛言世尊我今誠心懺悔從昔已來於如來所說法律之中數作無量諸留難事唯願世尊起大悲心以慈愍故願受懺悔

目

集十六

三

佛言善哉善哉波旬汝乃能自見所作諸惡爲上善哉能如是悔過罪者於佛法中則爲弘廣如來法藏諸佛亦受其人悔過是故汝今勿更復作尔時世尊告衆菩薩言諸賢士汝等各說過魔界行法爲生憐愍魔波旬故尔時衆中有一菩薩名金山王在衆中坐即

白佛言世尊若有防護內界者則為未過魔界若復有菩薩見一切諸界同佛界者知此佛界即是非界是為菩薩能過魔界

尔時寶德菩薩白佛言世尊有依倚巢窟者是為魔界若有菩薩不倚椽窟知一切法無得相者則能為諸眾生說斷倚椽窟法是為

菩薩能過魔界

尔時寶手菩薩白佛言世尊若有取我我所有者是為魔界若有菩薩不取我我所者則無諍競以無諍競故則無心行况當有魔界耶是為菩薩能過諸魔界

尔時無諍勇菩薩白佛言世尊若有觸有離則有諍訟有諍訟者魔得其便若無觸無離自不諍訟亦不令他諍訟以得無我故無惱行者能過魔界

尔時寶思菩薩白佛言世尊若有妄想分別則是煩惱及有煩惱處則是魔界若有菩薩知一切諸法無相貌者於諸煩惱則無妄想

若內若外亦不別知去離一切妄想分別故是為菩薩能過魔界

尔時樂行菩薩白佛言世尊若有樂不樂處則有憎有愛若有憎有愛則是魔界若有菩薩去離憎愛平等行者於諸法中則無二想得入不可思議是為菩薩能過魔界

尔時離諍菩薩白佛言世尊魔界由我而起若菩薩能知我者得無我忍即知我淨知我淨故知一切法淨知一切法淨故知諸法性淨如虛空是為菩薩能過魔界

尔時法自在菩薩白佛言世尊若屬煩惱法為愛所使者魔則得其便世尊若有菩薩於諸法中最得自在自然開悟以為諸佛之所授記於菩提法終不退轉是為菩提能過魔界

尔時山相擊王菩薩白佛言世尊若心有缺漏則是魔界若菩薩戒無缺漏心無缺漏成就一切諸空法行者是為菩薩能過魔界尔時喜見菩薩白佛言世尊若有不見佛不

聞法者魔得其便若有菩薩常見諸佛而不
着色像常聽諸法而不著文字以見法故則
為見佛以無言說故能聽諸法是為菩薩能
過魔界

尔時帝網菩薩白佛言世尊若有情有動則
是魔界若菩薩善順精進知一切法究竟無
成就相故不恃不動是為菩薩能過魔界

尔時德明王菩薩白佛言世尊若有行二法
者則魔得其便若有菩薩知一切法同於法
性則不見魔界與法性有異解知法性與魔
界等以不二相故是為菩薩能過魔界

尔時香象菩薩白佛言世尊若有菩薩怯弱

畏甚深法者則魔得其便若有勇健菩薩善
能通達三解脫門於甚深法不驚不畏以能
現前證知諸法實性故是為菩薩能過魔界
尔時弥勒菩薩白佛言世尊譬如大海中水
同一鹹味佛性海中亦復如是同一法味所
謂解脫味離欲味若菩薩善解一味法者是

同

集法

五

為菩薩能過魔界

尔時虛空藏菩薩白佛言世尊喻如虛空究
竟無垢究竟明淨究竟不為一切煙塵雲霧
之所干繞菩薩亦復如是心如虛空知一切
法性常清淨亦復不為客塵煩惱之所干繞
得度般若波羅蜜彼岸離諸闇冥於諸法得
慧光明者是為菩薩能過魔界

尔時文殊師利法王子菩薩白佛言世尊若
有言語則有滯礙若有滯礙則是魔界若法
不為一切言說所表者乃無滯礙何謂法不
可言說所謂第一義其第一義中亦無文字
及義若菩薩能行第一義諦於一切法盡無
所行是為菩薩能過魔界無所過故

尔時世尊告波旬言汝聞說過魔界法不耶
波旬白佛言世尊唯然已聞佛言波旬若有
行如是等法者一切諸魔無如之何若有諸
魔欲於行人起魔事者終不能辦而更成就
無量罪聚是故波旬汝可發阿耨多羅三藐

三菩提心於如是過魔界法應堅持奉行汝若能如是行者則能過一切諸魔國界波旬喻如百年垢膩可於一日浣令鮮淨如是於百千劫中所集諸不善業以佛法力故善順思惟於一日一時盡能消滅波旬如有軋草積大如須弥以少火投中速能燒盡如是以

少慧力故能除滅無量諸闇冥取何以故波旬慧眼勇猛故無明劣弱故時魔波旬即作是念大慈世尊今憐愍我誰能為我說菩提心法我今宜應於如來所種少善根於是波旬即化作八萬四千殊妙寶蓋及無量花鬘瓔珞末香塗香而告已眷屬言諸佛世尊出世甚難卿等諸人咸應共來至世尊所為供養故尔時魔天眷屬中有八萬四千眾及魔波旬各共持殊妙寶蓋及無量華香瓔珞末香塗香至世尊所設供養已皆發阿耨多羅三藐三菩提心諸餘魔眷屬諸天不發菩提心者形相嗤笑譏論波旬復言希有波旬乃

目 集十六

六

能於沙門瞿曇前詐現如是篤信之相狀如至親所以然者波旬或欲於沙門瞿曇所學呪術方術是故今於面前現善讚譽耳尔時魔子醜面及餘魔子等悉無信心各說是言假使沙門瞿曇以諸方術迴轉魔王者我等共當設諸方便令如是等經不得流布設使

流布者亦當令少有護助信受行者亦令甚少常為多人之所薄賤輕弄常墮邊方不令中國之所宣傳唯使諸無威德貧窮眾生當得聞之常為諸大威德豪富之人不信誹謗也尔時世尊告虛空藏菩薩言賢士汝聞此諸魔子出是惡言不耶虛空藏白佛言唯然已聞佛言善男子是故汝當安慰護助此妙經典為降伏諸魔神故於是虛空藏菩薩即白佛言諸佛世尊皆已護持如是等經我等亦當安慰受持尔時虛空藏菩薩即說呪曰所謂阿跋低一跋低二毗跋低三婆醯多覓散提四頭樓陀羅尼五涅伽多涅伽多尼六

鉢伽多尼^七迷羅育低^八伽樓那涅耐提^九
 薩遮跋低^十浮多勒差^{十一}達磨涅折低^{十二}達
 摩勒差^{十三}郁鳩離^{十四}尸鳩離^{十五}味樓味樓味
 樓德迦攤^{十六}多婆婆帝低^{十七}尸羅免婆帝低
 十八阿义夜涅涕池^{十九}枳奢婆迦利施^{二十}佛馱
 追提魅低^{二十一}達摩蔚者羅泥^{二十二}僧伽免

目集六

鉗啐^{三十}阿免頭隸^{四十}不可濟渡^{五十}壞

魔眷屬^{六十}若犯此者^{七十}無諸刀杖

順已處行 聖眾所作 吉吉等句 順流解脫

破諸外論 降伏魔眾 四王常護 及天帝釋

梵王世主 奉佛諸天 護菩提者 如是等神

常當擁護 降伏眾魔 利眾生成 受持正法

護說法師 盡當擁護

虛空藏菩薩說此呪已即時此妙寶莊嚴堂
 及三千大千世界六變震動時諸魔子見上
 虛空中有五百密迹執金剛杵熾然如火甚
 可怖畏時諸密迹唱如是言若有魔子及諸
 魔神若聞此呪其有不發阿耨多羅三藐三

菩提心者吾等當擊破其頭令作七分尔時
 魔子及諸眷屬驚怖戰悚身毛皆豎即合掌
 禮佛而白佛言我等今發阿耨多羅三藐三
 菩提心善哉世尊願救我等離此恐怖得無
 畏樂尔時世尊告侍者阿難言如向此諸魔
 子所說言我等當於來世於此經典作留難

事必當稱其本誓而作留難如斯經典唯當
 以佛神力及諸菩薩受持故當得流布於世
 而無有多人受持讀誦分別解說佛復告阿
 難汝見此諸魔子為脫恐怖故發阿耨多羅
 三藐三菩提心不阿難白佛言世尊唯然已
 見佛復告阿難言此語即為諸魔子當作離

魔事因以不深心發菩提故佛復告阿難於
 未來世當有佛出現於世名無垢相如來應
 正遍知此魔波旬於彼佛所乃當不退轉發
 阿耨多羅三藐三菩提心阿難彼無垢相如
 來知其深心成就故當授阿耨多羅三藐三
 菩提記當于尔時亦當作魔王深心敬信於

如來正法如彌勒出時有魔王名曰導師深
心敬信佛法聖眾此諸五百魔子亦當於彼
生於魔中當於彼佛所為菩提故種諸善根
乃至波旬成佛之時當與授阿耨多羅三藐
三菩提記佛告阿難言此魔波旬今雖發菩
提心猶豫不定如少氎毳雖尔當漸漸成就

四 集十六

無量功德為世之尊如今我身今時眾中有
無量無邊諸天世人釋梵護世聞授魔波旬
記當得成佛歡喜踊躍怪未曾有合掌向佛
而作是言希有其見佛者必得成就無量功
德法寶之聚所以然者或有不信眾生為欲
燒亂如來故而得見佛或有遇會得見佛者
即為彼眾生作因乃至令得涅槃又白佛言
世尊自除如來應正徧知誰能如是分別知
眾生根佛告諸天人言如汝等所言其有得
見如來者無不蒙益汝等當知或有眾生善
根都盡於無量阿僧祇那由他劫無人身分
者如是眾生見如來故即便得作善因乃至

涅槃如來乃能如是作無量不可思議無上
福田佛復告諸天人言心性常淨而凡愚眾
生不能如實知見以不能如實知見故言是
垢能正知見故便言是淨而第一實義中無
有一法可淨可汙汝等當知諸煩惱者無方
無處非內非外以不善順思惟故便生煩惱

善順思惟故則無煩惱增減不等則生煩惱
無增減者則無煩惱虛偽妄想便是煩惱無
有妄想則無煩惱是故我言如實知邪見則
是正見而邪見亦不即是正見能如實知者
則無虛妄增減取著是故名為正見佛復告
諸天人言喻如大地依水界住大水依風界

四 集十六

九

住大風依虛空住虛空無所依住如是大地
無所依住而假有依住之名是故汝等當如
是知之若依於業業依於結而若業結都無
所依以心性常淨故如是當知一切諸法無
有根本都無所住以假言說故言有而實無
也是故說一切法本性常淨究竟無生無起

佛復告諸天人言是故汝等當知此法門名為性常淨法門菩薩通達此門者不為一切煩惱之所染汙而亦不恃此清淨門以捨一切諸恃動故便得平等道能過魔界入於佛界亦能得入諸眾生界而不動法界知一切法無界無非界而能速至一切智界當說此法時有五百菩薩得無生法忍亦時申越長者在於眾中從座而起頂禮佛足白佛言世尊為我故說如是等甚深經典我先為觸惱世尊故作大火坑及設毒飯而大聖如來是不可害者故我於佛生信敬心自亦以來疑悔心結尚未能除滅今者從佛聞此甚深微妙經典疑悔即除心無障礙得安樂行世尊是故我信敬心轉復增長今我家中多諸財寶當以供佛法僧及諸沙門婆羅門貧窮孤獨下賤乞兒世尊誰當聞是斷一切縛甚深經典而於一切諸物生貪著者乎亦時虛空藏菩薩白佛言世尊諸佛如來無上菩提甚

為甚深難可測知若有菩薩於未來世捨已身命及利養名譽而能持佛菩提者甚為難有亦時眾中有六十八億菩薩從座而起合掌向佛一時同聲而說偈言
 世尊滅後我等能忍捨身壽命為護正法捨離名譽離諸貪著願護正法為佛智故罵詈呵責及譏刺語護正法故當忍受之輕賤毀弄唱說惡名當以慈忍為護此經來世比丘計著諸有與魔為黨誹謗正法毀禁行惡樂著俗累為利所覆不樂正法恃翫俗典憍慢放逸高歎已能蔑正行者常捨閑靜樂處憤鬧習世文詞計著吾我不營教化不業智慧捨離坐禪不親三寶無有智慧群黨求利動與結俱樂受他供他慈心施惜猶已有數往到彼說諸世事田宅居業及販賣事勤求息利猶言沙門傲慢著有依邪險見聞性空法當大驚怖言後長遠但求現報當虛妄說非法言法

四集十六

十

如是大灾 弊惡比丘 魔及魔子 復當佐助
經文是一 說義各異 各是已論 愚者當介
諸深妙經 能與解脫 當擁遏乏 反說淺事
我勝汝劣 由勝得果 於佛法中 當如是競
如是競時 衆生數壞 爲非法王 之所惱逼
於是末世 壞甚可畏 我持正法 救世所說

我常慈心 不捨法律 生正大悲 爲世所護
毀禁樂惡 不住正法 墜墮何道 我常憂慙
見故作惡 謗毀正法 我終不共 與爲親黨
常任我力 善護口過 見無用人 不說其短
我住聖種 頭陀護戒 處定習慧 常勤修行
離世憤鬧 樂處閑靜 無着如鹿 善調知足

若至聚落 攝根少語 見說法者 共論正法
愛語利益 以化衆生 又與說法 今斷惡行
我爲正法 極遠當往 爲彼說法 利益衆故
若見凡愚 有缺失者 但當自說 住法行忍
毀辱恭敬 當如須弥 不染世法 爲世導師
毀禁比丘 若來呵責 自省已行 將是業報

當爲是等 嫉惡衆生 先意善言 現爲恭敬
彼即生念 我亦沙門 成就是德 無惡名乎
諸毀禁等 如失志人 聞是經憂 如剃照鏡
其作方便 不欲聞之 復教餘人 言非正法
又教國王 壞臣民心 誹謗正法 言非佛說
我等於時 以佛力故 爲持正法 不惜身命

世尊知我 言無有二 當堅護持 住是正法
住誠實語 如說而行 悅可諸佛 乃成菩提
尔時虛空 藏菩薩讚諸菩薩 言善哉善哉 諸
大士汝等 乃能發誠實願 受持如來甚深微
妙無上大法 甚爲快也 虛空藏菩薩白佛言
世尊其有 善男子善女人 受持讀誦 此經典

者得幾所 福佛告虛空藏 言賢士 譬如東方
十三千大千 世界南西北方 四維上下 各十
三千大千 世界盡 抹爲微塵 以尔所塵 集爲
一聚 設有一人 成就神足 無量威德 壽命長
遠 此人持諸微塵 過東方 尔所微塵 世界 乃
下一塵 如是展轉 東行 盡此塵聚 而諸世界

猶不可盡如東方世界南面北方四維上下過尔所佛土乃下一塵如是展轉諸方世界盡此塵聚而諸世界猶不可盡虛空藏於汝意云何是諸世界寧為多不虛空藏白佛言甚多甚多世尊無量無邊不可計知佛言賢士是諸世界微塵所著處及不著處盡此微塵所及世界已還為一大城縱廣高下悉皆同等於其城中滿亭歷子賢士是諸亭歷子可數知不虛空藏白佛言世尊假設譬喻猶不能了况可數知唯除如來無能數者佛告虛空藏言如是如是如汝所言唯如來能知是諸亭歷子若百數千數百千萬數佛言賢士設有一人成就神足無量威德能以口吹是諸亭歷子布散十方一亭歷子墮一佛世界終不過一賢士於汝意云何是諸亭歷所及世界寧為多不虛空藏白佛言世尊是諸世界乃非心力所能分別設分別者令人心迷錯亂賢士我今告汝若有行菩薩道善男

目集六

十二

子善女人日日以滿尔所等世界無量珍寶持用布施無有休廢不營餘事若復有善男子善女人受持讀誦書寫此甚深經典不求利養為菩提故乃至為一人說使其人聞已勸令於阿耨多羅三藐三菩提乃至發一善念欲令正法久住世故此人功德復過於彼布施者上百倍千倍百千萬倍乃至非算數譬喻所及何况能令住阿耨多羅三藐三菩提者何以故賢士以能說如是無量善根成就諸菩薩為護持正法故賢士我不見菩薩更有餘法能過於此堅固正行攝諸善法教化衆生者也尔時虛空藏菩薩白佛言世尊希有如來不可思議如來大法亦不可思議如如來大法不可思議其受持此經典者所得功德亦不可思議唯願世尊護持此經為當來世令受持此正法諸善男子善女人手得是經執在曾懷不離是經若應離生死者不從他聞自然得悟菩提悟菩提已廣為他

說佛言善男子諦聽諦聽善思念之吾當為
護此經故當說章句召護世四天王帝釋梵
天王等諸神以此章句召故護世四天王天
帝釋梵天王當擁護諸說法師持此經者說
此世所難信甚深經典時使無能作留難所
謂若王大臣驅遣出國若得重病若聞諍起

國集十六

十三

時若國土疾疫如是等事起時以呪術力故
即令消滅不得成就何等為呪術章句所謂
頭頭麗一提提麗二陀夜敷帝三陀夜羅伽
羅四尼帝提五毗婆知六賒咩七賒弥多毗
八目企九羶帝低十尼堵拏林十一阿菟多麗
十二鳴多羅尼十三婆敷斯十四鉢他輸陀尼十五鉢
陀菟拒十六鉢陀散提十七般若牟麗十八浮陀勒
差九律那薩枝二十多婆薩枝二十一多婆鉢低
隨佛意順法性恭敬僧世主信護世四王為
諸佛子受持此呪護說法者亦時四天王即
從座起合掌向佛而白佛言世尊我等當護
此諸佛子受持經者即說呪曰

首鞞一 首婆鉢低二 首提帝三 目哆擁四 陀
梨擁五 陀羅尼六 頗就糜七 阿立擁怯卑八
阿目企九 陀羅尼陀擁十 敷首曉醯那十一 脾
提脾陀賴散提十二 咩三 咩三 婆夜咩十四 三摩賴
弥十五 波扇哆啼十六 休休十七 醯醯十八 樓立樓麗九
於時四大天王自在者說此不可犯呪已介

時天帝釋即從座起心淨悅豫合掌向佛而
說偈言 未曾飢饉時 大稱諸賢士

受持說此經 我當為給侍

於時帝釋說此偈已即說呪曰

弥低一 首脾二 摩訶弥低三 遠摩弥低四 天
多伽麗五 三摩弥低六 薩遮弥低七 那提咩

八 阿菟多麗九 阿菟頸擁十 阿菟勒差十一 薩
婆薩埵阿菟伽醯十二 阿那菟多界十三 修奠低
十四 阿毗盧提十五 阿毗伽醯十六 浮提菩舍咩十七
臧贖十八 遏他尼低十九 涅提羅尼二十 阿那他婆
者帝二十一 咩低二十二 咩低閣耶私二十三 修莎羅二十四
汝等起禪樂 來護持法者 諸世界世尊

皆悉共受持

尔時梵自在天王即從座起讚彼釋梵護世諸天言善哉善哉汝等乃能為護正法持法說法者故發大莊嚴汝等正應如是甚得其宜隨如來法律住世久近於尔所時中當有識別正行法行於尔所時中諸天世人甚當

目 集十六

五

熾盛充滿宮宅此法滅後諸天世人轉當減少宮宅空荒尔時世尊告弥勒菩薩言弥勒汝受持此甚深經典讀誦書寫廣為人說弥勒我今以如斯等甚深經典囑累於汝今此大法久住世故降伏諸魔故為利益一切眾生故令一切外道不得便故教勅一切菩薩

使親近此經不遠離故欲令佛法大明久住於世不衰滅故使佛法僧種不斷絕故尔時弥勒菩薩即白佛言世尊我於如來在世及滅度後常當受持甚深經典廣宣流布所以者何受持此法者則為受持過去未來現在諸佛正法非但受一如來法也世尊我亦為

自護已法故世尊我常與諸天大眾普會處兜率天宮每為廣說如是等甚深經典我復當令人中受持讀誦此經典者使手得是經執在胃懷不離經卷世尊若後末世法欲滅時其有受持此經轉為人說者當知皆是弥勒威神之所建立世尊當於尔時雖多諸魔

事燒乱行人諸說法者依煩惱為魔所持故不樂此經不勤修習互相是非我等共當勤作方便令說法者愛樂是經常勤修習讀誦通利廣為人說尔時世尊讚弥勒菩薩言善哉善哉弥勒汝乃能為護持正法故作師子吼汝不但今於我前作師子吼亦於過去無

目 集十六

五

量阿僧祇諸佛前作師子吼護持正法尔時世尊告大德阿難言阿難汝受持此經耶阿難白佛言唯然世尊以佛神力故我已受持佛言阿難汝常當廣為四眾分別解說若有先種善根樂勝法者如是等人聞已則能信解受持讀誦廣為人說其人則得無量無邊

不可思議大功德聚阿難即白佛言世尊當何名斯經云何奉持佛言阿難此經名勸發菩薩莊嚴菩提當如是奉持今時功德莊嚴菩薩在於眾中即從座起右膝著地合掌向佛白佛言希有世尊如來為擁護正法及說法者故善能如是讚歎此經世尊諸新學菩薩為菩提故種種善根以種種華香瓔珞末香塗香勤供養如來而不受持此經是人頗成以第一供養供如來不佛言善男子不成第一供養如來亦不能以此因緣得無量功德不如是善男子善女人受持此經者功德甚多今時世尊即說偈言

我以佛眼 所見佛利 周遍十方 廣大無邊
今所諸界 盛滿珍寶 菩薩以此 恒用布施
若有於此 甚深妙經 無所得法 諸佛所說
而能受持 為人演說 此人功德 復多於彼
花香瓔珞 塗香末香 寶蓋幢幡 上妙衣服
以是供具 普滿諸界 供養如來 迴向佛道

若後末世 法欲滅時 於救世法 勤修護助
受持正法 不放逸行 此功德聚 復多於彼
十方世界 一切巨海 盡盛滿中 上妙香油
作大燈炷 猶如須彌 然以供養 一切諸佛
法炬若欲 斷滅之時 知世眾生 無明所覆
若能然此 大法炬者 此人功德 復勝於彼

我之所見 無量諸佛 雖億千劫 種種供養
諸天上妙 適意供養 不能受持 此妙經典
若於諸佛 知有重恩 擁護三寶 為報恩故
為欲饒益 一切眾生 受持此經 福勝於彼
我以佛眼 所見眾生 若有能教 盡成釋梵
所得功德 不如書寫 持此經者 功德甚多

大千世界 所有眾生 若有能教 盡成二乘
若有能發 菩提心者 護持此經 功德復勝
持經功德 假令是色 悉當充滿 十方世界
唯除如來 無上大智 更無能知 此功德者
如如來智 無有邊際 虛空法界 亦無邊際
能持如來 此經法者 功德無邊 亦復如是

尔時功德莊嚴菩薩白佛言世尊如我今者

信解如來所說義趣後五百歲法欲滅時諸

發大乘衆生其不受此經法者將知是等為

魔所持墮佛法外世尊我今堪任如來滅後

受持此經欲令佛法久住世故尔時世尊為

囑累此經法故放大光明普照十方無量阿

僧祇諸佛世界彼諸如來亦為囑累此經法

故皆放眉間白毫相光普照十方一切世界

無不周徧說此經已如來以大神力放光明

時無量阿僧祇諸佛世界六種震動有無量

阿僧祇衆生發無上道心無量阿僧祇菩薩

得無生法忍復有無量阿僧祇菩薩得一生

補處善根又復過是無量阿僧祇衆生得聲

聞乘住學無學地佛說經已虛空藏菩薩大

德阿難諸菩薩大衆及諸聲聞諸天世人聞

佛所說皆大歡喜

大方等大集經卷第十六

十七末

國一

大方等大集經卷第十七

國二

北涼天竺三藏曇無讖於姑臧譯

無言菩薩品第六

尔時世尊故在欲色二界中間大寶坊中與

諸大衆圍遶說法時王舍城師子將軍家產

一子當其生時虛空之中多有諸天作如是

言童子當應念法思惟於法凡所發言莫說

世事常當班宣出世之法常當守口慎言少

語莫於世事起諸覺觀當依於義莫依文字

尔時童子聞是語已不復啼泣無嬰兒相乃

至七日期貌和悅見人歡喜目未曾眴是時

有人語其父母是兒不祥不應畜養何以故

瘖無聲故父母答言是兒雖復瘖不出聲然

其身相具足無缺當知是兒必有福德非是

不祥薄福之人因為立字字曰無言時無言

童子漸漸長大如八歲兒所遊方面人所樂

見隨有說法轉法輪處樂往聽受口無所宣

尔時無言童子以佛神力與其父母眷屬宗